

新刊履齋示兒編

一

據中國國家圖書館藏元劉
氏學禮堂刻本影印原書版
框高十五·二釐米寬十·五
釐米





先生一以爲難賢事一以爲利
 祿事殆若有兩居別以君子爲
 不難志其守則固其資而亦以

此卷係...
 卷之...
 第...頁
 光緒...年...月...日
 上海...書局...





先生一以為聖賢事一以為利
 祿事殆若有兩臣別於君子為
 不能忘其子則隨其資而示以
 意使之知學則一而已余之出
 也猶不如人今老矣所望者惟
 子與孫然懶惰無匹聞學福隆
 上不能進之於聖賢之域下不
 能引之於利祿之塗以平生
 之末學考示之是亦使之知學

之意也為羸無金教無經一再
世不為君子之伯可不懼哉於
是攷評經傳漁獵訓詁呂立總
說經說文說詩說正誤雜記字
說凡七條大抵論焉而不盡
焉而不確非敢以污當代英明
之眼姑以示之子孫耳故名曰
示兒編使後之賢廣吾意不賢
母謂不汝誨也予子其懋戒之
我開禧元祀九月上潘廬陵孫

奕書





新刊復齋示兒編目錄

廬陵鄉先生孫 奕季 昭撰



○卷之一

總說

經傳引古

六經無真字

右皇烝辟

歲祀年載通稱

五行先後不同

倒文

曾字

惟唯維字

不字

○卷之二

經說

易

乾元坤元

富以鄰不以鄰

七日來復

履校滅趾

六經主於王

天帝

皇帝王通稱

校庠序皆在鄉

問禮樂官名

字訓辯

屑字

有亡字

易有象數

用九用六

六五童蒙吉

先甲先庚

頤取龜虎



夫五陽一陰

麗澤允

衍字誤字

書

汝作士

九共

無教逸欲

九官相遜不相遜

冀刑不言山川

要蔡

要荒

兼弱攻昧

放諸桐

四為字

君子所其無逸

文王卑服

誥怱誥教

其勿誤于庶獄

執銳

費誓秦誓

○卷之三

經說

詩

章句對偶

相鼠

凱風

黃鳥

鴉兔

鶯斯

居諸

死生契闊

衡門

東門之楊

七月兼夏周正

常棣

黽勉

南山有臺

天保

思齊

下武

周禮

六官

八柄

宮正

宗伯獨不垂法象魏

侯服

園廛二十而一

載師閭師

脫字

司險

萍氏

○卷之四

經說

禮記

餼餘不祭

死曰嬪

舞斯下脫六字

子之哭也壹

聖人之葬人與

爾以人之母嘗巧

千里之外曰采

鷹化為鳩

養老於孝

燕居間居

毫釐

盤銘

春秋

春秋書法

春秋用周正

矢魚觀社

家父求車

儉德之共

陳殺其大夫洩冶

稅畝丘甲田賦

築圃

見易象春秋

行李

宰木

論語

論語總說

作經本末

三年无改

貧而樂

從心

視其所以

攻乎異端

。卷之五

經說

哀公問社

不以其道得之

觀過斯知仁矣

朝聞道夕死可矣

孰謂微生高直

先難後獲

南子

民鮮久矣

老彭

束脩

聞韶

文莫吾猶人也

無間然

食不厭精

先進後進

皆不及門也

子樂

論篤是與

不可則止

忠告而善道之

必也狂狷乎

禹稷躬稼

相公殺公子糾

鄉原

○卷之六

經說

作者七人

友便辟

其為東周乎

患得患失

在人

仕優學優

君子不施其親

舉逸民

孟子

孟子篇目

見梁惠王

智足以知聖人汗

四端

龍斷

草尚之風必偃

行辟人可也

詩亡然後春秋作

戎狄是膺

則枉尋直尺而利

小德役大德

故者以利為本

少艾

鬱陶

舜為法於天下

不屑之教誨

聖人然後踐形

過化存神

性之反之

奮乎百世之上

孝經

景行

斷章取義

哭不偯

○卷之七

文說

史重複

文重複

承舛襲訛

祖述文意

祖意而勝

擬聖作經

史體因革

古今之言詳略

句法同

文意同

經同文

經異文

史同文

○卷之八

文說

史異文

經史異

破題道盡

作文法

賦要識題

賦須韵韵意全

賦貴巧於使事

賦以一字見工夫

○卷之九

文說

聲畫押韵貴審

雙音字貴詳審

協韵不可重押

用字貴詳審

祭文簡古

對用人名

詩說

假對

偏枯對

倒用字

雙字

遞相祖述

用古今句法

類前人句

杜詩轉字音

韓詩轉字音

柳詩轉字音

○卷之十

詩說

出奇

屢用字

練字

屬對不拘

爾汝

安得

嗚呼

知見

用方言

詩酒

落英

花妥

寺殘

錦宮城

綠楊垂手

甜酒

禽水

溪聲山色

鴨綠鵝黃

白雪黃雲

四印

意相反

風雅不繼

殺風景

向上人

花竹無香

老而詩工

周益公評詩

賀生日

省題詩更須留意

春猿秋鶴

韻書脫字

康節詩無施不可

○卷之十一

正誤

仟伯

未渠央

豐碑

壽堂

名諱

正昭

三辰

民農

黎苗

弋人何慕

日一日勞

道術

莊子語疵

荀子反經

○卷之十二

正誤

程伯休父

陽生

龜策

兩伏波

發縱

上廉

數竒

尚書尚公主

陳蕃設榻

暨豔

薛愿

瓜丘甘露

秦焚書之漸

句讀

章句

文辭

五湖

四海

六轡

百丈

百金

來牟

浙米

東壁東井南箕北斗

黎明

陳亥

重穆

印文榜額有之字

○卷之十三

正誤

齒牙

皮革

饜饕

檠檠

囊橐

馬耳

於菟

款乃

殷盤

正鵠

非熊

赦書弱水

瘴癘地

引經誤

誤經意

意誤

事誤

○卷之十四

雜記

無恙多能果然率然 地有二義

可稱之地 地名異

地名同 帝王歷年

紀元 年號同

姓名同 慕人姓名

不類名字

○卷之十五

雜記

人物通稱 人物異名

物重名 因物得名

○卷之十六

雜記

易物名 人相反

物相反 自相反

事類

○卷之十七

雜記

事同 郡國因革

卦配十二月

漢將相起微賤

漢兵唐兵

唐興云以女禍

宋太宗戒官吏碑

死生以義為重

李貴通古今

塗注乙

癖

癡

聖

仙

殺妻食子

西施乳石

託名

草木冬青

屏風兒

祭之明日

○卷之十八

字詭

畫譌

聲譌

○卷之十九

字詭

字異而義同

字同而義異一

○卷之二十

字詭

字同而義異二

字同而音異

○卷之二十一

字詭

集字一

○卷之二十二

字說

集字二

○卷之二十三

字說

集字三

示兒一編孫先生之書後學亦溘者
 辯經傳之同異核文辭之是非記之
 評字之正人物之綺淡奇肉奧百靡
 所不載歲月弥深散乱磨滅字考病
 之本堂重加訂正以壽泐梓
 篤意義方考母惜交置一通癸未月
 正元日晚學廬陵胡楷子式誌

新刊履齋示兒編目錄終



新刊復齋示兒編卷之二



廬陵鄉先生 孫奕

季紹撰

總說

經傳引古



經傳之文雖出古聖賢之手然旁舉遠引亦必有
 所從始古今皆知文言為孔子之所作以左氏襄
 公九年攷之穆姜之薨懿之遇艮之八史曰是謂
 艮之隨姜曰亡是於周易曰隨元亨利貞無咎元
 體之長也亨嘉之會也利義之和也貞事之幹也
 體仁足以長人嘉德足以合禮利物足以和義貞
 固足以幹事然故不可誣也是以雖隨無咎案穆
 姜之筮後十四年而聖人生實魯襄公之二十二
 年也又夫子年六十有三乃始繫周易以此言解
 乾卦故謂之文言云

昭公十二年楚靈王聞子革誦祈招之詩而感其
 不能自克仲尼曰古也有志克己復禮仁也信善
 哉及其荅顏淵之問而曰克己復禮為仁則是援
 古志以告之也

孟子論國家間暇明政刑一章并荅滕文公以太
 王去邠事人皆知其為孟子之言及稽諸家語孔

子謂子路曰君子而強氣則不得其死小人而強氣則刑戮存臻豳詩曰殆天之未陰雨徹彼桑土綢繆牖戶今汝下民或敢侮余孔子曰能治國家之如此雖欲侮之豈可得乎周自后稷積行累功以有爵土公劉重之以仁及至太王亶父崇以德遜其立根置本備豫遠矣初太王都豳狄人侵之事之以皮幣不得免焉事之以珠玉不得免焉於是厲耆老而告曰狄人之所欲吾土地也吾聞之君子不以所養而害人二三子何患乎無君遂獨與大姜去之踰梁山邑于岐山之下豳人曰仁人之君不可失也從之如歸市焉天之與周民之去殷久矣若此而不能天下未之有也武庚惡能侮邶詩曰執轡如組兩驂如儻孔子曰爲此詩者其知政乎此夫子訓子路之辭也孟子一則援以證政刑之說一則援以證小事大之問良由此始若夫唐明皇序孝經而謂子曰吾志在春秋行在孝經蓋得之於何休序公羊傳之文而何休又得之於鈞命決文也

後漢趙岐序孟子而謂仲尼有云我欲託之空言不如載之行事之深切著明也蓋取之於太史公

自叙之語而太史公又取之於春秋繁露也

經解引易曰差若毫釐繆以千里乃出易緯之文

也王充論衡注詳見毫厘解

六經主於王

易始乎皇而成乎王書作乎帝而繼乎王詩始乎諸侯而終乎王禮樂制作乎王而春秋一乎尊王也

六經無真字

六經之中無真字非無真字也夫人而不偽也是故仙之一字聖經所不著聖人所不言以至於佛若僧若禪聖人尤不筆之於書蓋其衛道之嚴也故佛之敢入中國者乃在於經籍焚滅之及禮義衰微之末二百餘年而後始至也則六經之有功於人也大矣

天帝

高而覆物者天也尊而宰物者帝也健而不息者乾也故以形体謂之天以主宰謂之帝以運動謂之乾

后皇烝辟

后繼也謂繼治之君也皇大也謂圖大之君也烝

衆也謂御衆之君也辟法也謂立法之君也君臨也謂臨蒞天下之君也主宰也謂宰制天下之君也

皇帝王通稱

皇可以謂之帝月令云其帝大皞是也亦可以謂之王禮運云昔者先王未有宮室是也帝可以謂之皇呂刑云皇帝清問下民是也亦可以謂之王大禹謨云四夷來王是也王可以謂之皇文王有聲云皇王丞哉是也亦可以謂之帝歸妹云帝乙歸妹是也

歲祀年載通稱

伊訓惟元祀陸氏釋文曰年也又引爾雅言夏曰歲商曰祀周曰年唐虞曰載則是帝王各有定名也案堯典曰以閏月定四時成歲舜典曰歲二月東巡守則唐虞不特曰載也禹貢曰作十有三載乃同則夏不特曰歲也伊訓曰太甲元年太甲上曰三年復歸于亳則商不特曰祀也洪範曰惟十有三祀又云一曰歲周禮曰大計群吏誅賞則必曰三歲則周不特曰年也然則四者名異而實同何哉蓋載以始一歲而終歲以星一歲而周祀以

祭一歲而徧率以禾一歲而熟此名之所以異而實同

校庠序皆在鄉

三代設庠果安所在嘗讀太史公儒林傳謂三代之道鄉里有教夏曰校殷曰序周曰庠蓋繇是以參諸經左氏則曰子產不毀鄉校是校在鄉矣黨正則曰屬民飲酒于序是序在鄉矣鄉飲酒禮則曰拜迎賓于庠門之外內則又曰虞庠在國之西郊是庠在鄉矣先王盛時率校徧于天下故民於是時仰父俯子左詩右禮无非禮義之教李記云家有塾黨有庠術有序此又一證也由是言之太史公得非有所據而云

五行先後不同

五行一也大禹謨則曰水火金木土穀惟修洪範則曰一水二火三木四金五土月令則曰春木夏火中央土秋金冬水其言先後不同何也曰經之言各有攸主大禹謨之所主者養民之政故以五行之相尅者言之尅下爲財故也洪範之所主者自然之數故以五行之生數言之率生數則成數可知矣月令之所主者四時之令故以五行相

生之序言之是以不同也

問禮樂官名

或謂夫子大暱也以生知之資天縱之能當无所不知无所不聞而猶問禮問樂問官名有諸曰於傳有之曾子問曰吾聞諸老聃問禮也樂記曰唯丘之聞諸萇弘問樂也昭公十七年傳曰仲尼聞之見於郊子而季之問紀官也曰然則何獨於斯三者是季曰五帝殊時不相沿樂三王異世不相襲禮至於官制時異事異公革尤多不耻下問是以謂之暱也

倒文

六經或倒其文如易之西南得朋吉凶者失得之象類皆有之唯詩為多如中谷中林中河中路中原中田家室裳衣衡從殺黍瑟琴鼓鍾斯螽西南東南下上羊牛樂豈息偃甥舅孫子女士京周家邦鼎鼎齊音資明不一而尽記雖有吾得坤乾焉書雖有月正元日或三四年又北東入于海皆有說也盖歸藏易以純坤為首其次弟不得不然也書前有正月上日則後不得不以月正元日錯綜言之也此不言三四而曰四三者自多而至少故

四言於三之上也又且水之勢北折而東故東言於北之下也然倒此一言不徒其理為長而又且文矣至如祭義云祿爵慶賞祭統云備內外之官間居云春秋冬夏中庸曰設其衣裳太率若此

字訓辯

皇者大也

天曰皇天父曰皇考母曰皇妣

王者大也

大父曰王父大母曰王母

極中也正也至也

卷二十一

禮記

七

書曰皇極詩曰四方之極皆中也兒寬傳天子建中和之極師古曰極正也

洪範云六極者窮也

孟子曰使我至於此極也亦同

格至也正也止也

詩曰祖考來格書曰格爾舜皆至也來也書曰格其非心孟子曰格君心之非皆正也

學記云扞格者止也

格旧音戶革切或如字

擾乱也馴也

書曰俶擾天紀亂也周禮曰以擾萬民馴也
亂亂也治也

書曰刑暴亂語曰亂大謀謂亂也周官曰亂尔
有政語曰武王有亂臣謂治也古文尚書治字
作亂與亂相類後人不識古亂字訛以亂訓治
耳

錫畀賚上予下也

書曰敷錫又曰不畀詩曰賚予也皆上予下之
謂也如師錫帝納錫大龜此又古者下錫上亦
可謂之錫也

貢獻供下奉上也

書曰任土作貢春秋來獻捷孟子曰無以供粢
盛昏下奉上之謂也

台印朕我也

書曰以輔台德詩曰人涉卬否皆我也古者上
下皆稱朕巽朕位堯自稱也朕德罔克禹自稱
也秦始皇方不許臣下稱朕

乃而若汝也

書曰惟乃之休又曰其害予而家凶于而國項
籍傳吾與若北面懷王皆訓汝也

觀下見上也觀見也非上非下也

周禮秋見曰觀下見上也語曰私觀揚子曰觀君子者問鑄人無所不見也

如此往彼也適往也非彼非此也

春秋如齊如晉皆之彼也董仲舒曰道者所繇適治之路則無所不往也

蕩、廣大也又放蕩也

語曰蕩乎無能名焉書曰王道蕩、皆美辭也詩曰天下蕩、無綱紀文章又曰蕩、上帝又非美辭也

五二四

示一已

九

噤噤自得也又愁歎也

孟子噤噤、然曰又曰人知之亦噤噤、皆自得也詩曰詭口噤噤、又愁聲也

董、少也

前地理志曰豫章出黃金然董、師古曰董讀作僅少也

區、小也

禮樂志曰河間區、小國楚元王傳曰豈為區區之禮哉謂小也

鞅、不滿也

高帝紀曰心常鞅師古音於亮反韓信傳曰居常鞅師古音於兩反

拳勤謹之意也

中庸曰得一善則拳弗失之矣

匈擾之意也

高帝紀天下匈謂喧擾也

云諄之意也

韓愈詩曰諧笑方云云

往意其必然之謂也

仲舒傳王道往而絕

無限之謂不訾

蓋竇饒傳用不訾之軀臨不測之險

無聊之謂無俚

栾布傳其畫無俚之至耳晉灼曰揚雄方言曰

俚聊也許慎曰賴也為其計畫無所聊賴

不難之謂何有

語曰從政乎何有孟子曰於王何有

不幸之謂無祿

詩云念我無祿

以詞譏之曰刺

刺幽王刺厉王皆作詩以刺之如操刀以刺人然

以法殺之亦曰刺

記曰司寇正刑明辟以聽獄訟必三刺春秋魯殺大夫曰刺言用三刺之法

因其可傳而繼之曰襲

揚子曰襲堯之爵

掩其不備而取之亦曰襲

左莊公二十九年夏鄭人侵許凡師有鍾鼓曰伐無曰侵輕曰襲杜曰揜其不備也

爾者如此也

語曰吾無隱乎爾

耳者而已也

孟子曰尽心焉耳矣

曾字

諸經除人姓及曾孫

孔安國辭詩信南山郭璞注尔雅曾孫之曾並音層之

外曾字並無音獨論語曾謂泰山不如林放乎音則登切曾是以爲孝乎音增馬融曰承順父母顏色乃爲孝也正義亦引是說則是曾訓乃也至於曾由與求之間雖無音孔曰謂子問異事耳則此

二人之間安足大乎又訓則也公孫丑上爾何曾
比予於管仲又曰曾比予於是曾音增趙云何曾
猶何乃也丁云則也乃也禮部韻亦訓則也併援
曾是以爲孝乎爲證檀弓上喪三年以爲極亡則
弗之志矣鄭曰則之言曾也二說皆通而乃字勝
嘗以類推之詩曰曾不容刀曾不崇朝曾是不意
曾莫惠我師孟子曾不知以食牛干秦穆公之爲
汙也荀子榮辱篇偷生淺知之屬曾此而不知也
楊子問神篇曾范蔡之不若漢周勃張相如兩人
言事曾不出口及近世文集中有曾不聞曾不知
之類皆作曾字讀更說不通合盡讀如曾是以爲
孝乎之曾

屑字

屑之一字先儒於書訓及於詩於孟子訓潔以今
驗之凡物之爲屑皆輕故屑之言輕也如多方大
淫圖天之命屑有辟則言輕有辟說又曰爾乃屑
播天命言輕播棄天命谷風曰宴爾新昏不我屑
以言宴安於新昏而於我舊室則不輕用君子偕
老曰不屑髮也言婦人髮美不輕用他人之髮爲
鬢公孫丑上是亦不屑就已是亦不屑去已告子

韻不出此音徒見於佛經有曰不也世尊廼作弗
声讀亦可一證今以司馬公切韻圖考之明舉一
杯字以發声曰杯●貝不即是與逋骨切同音信
乎此音不可廢矣是字也本有四音自陳正敏之
說興而人始疑自温公之圖出而音始定第温公
之圖近行於世知音尚希故表而出之

示兒編卷之一



